

興國縣志

乾隆十五年鐫

興國縣志

學海堂藏板

序

縣尹親民之官也凡一邑中氣候風土之宜疆圉
廣狹之制與夫田賦瘠沃世代隆替民物蕃庶甫
蒞斯土何以一覽而週知大約從諸志乘者為近
實余以今春奉

簡命尹興下車卽索邑志觀之興之紳士進余曰敬奉
制憲文命檄修各府縣志興雖下邑得沐

聖代久道化成之盛城郭維新學宮城隍書院官舍巍

興國縣志

序

一

煥生色從前雖多金石遺文惟有明萬歷蔡公所
輯未盡泯滅

本朝黃公木菴續而修之康熙辛卯吳江張太史改
選興令鴻才鉅筆益為爬羅搜集山川眉舞又四
十一年於茲矣重修之役孔侯彙思脫稿方成授
梓未竣惟侯有嘉賴焉旣而前令孔公出稿相質
披覽其全法一矩於先民於古則以三志為據於
今則新政特書芟繁就簡訂譌存真一秉直道之

公於以敷揚盛典仰體

上憲釐定舊章至意洵為明備緬稽興自宋開縣以
來官茲土者若宋程大中公開道學之源有明莊
敏公海忠介盧冠巖以迄


國朝黃木菴前諸君子之循良茂績既不沒於人心
今益彰於簡編卽歷朝至於今邑產聞人其勲庸
懋德忠孝科目節烈行義覽斯志者不悠然動董
狐南史之思乎孔公以移治靖安囑卒業於余余


曰是誠新尹之責也因與志館諸名宿再加較閱
曉夜督梓文成數十萬言六閱月而竣千秋可傳
之帙前不朽而後無忘踵而成之庶不負孔公之
托也已為序乾隆辛未夏六月既望知興國縣
事建水郭蔚譔

興國縣志

繪圖

一






興國縣志



繪圖

一一



興國縣志

繪圖





興國縣志

繪圖

四

凡例

一興自宋太平興國七年置縣而宋元兩朝之志無攷惟自宋英宗治平以下所有志載郭知章李昌言朱夢熊文天祥方逢辰諸名家記序猶存亟取而登之以備文獻之徵至明成化知縣章廷圭始有志署教諭袁天麒有志弘治八年知縣曾選有志嘉靖丁巳知縣盧宁有志皆名存而籍亡矣惟萬歷四十八年溫陵蔡令鍾有所脩志猶存而藝文一卷極力蒐羅今始得之然皆蠹餘殘缺字多漫漶凡所有名蹟官師人物概不敢脫漏以前賢

興國縣志

凡例

一

典故信而可傳也

一國朝康熙二十二年正定黃令惟桂於兵燹之後倡脩邑志同時邑人王鼎相劉天貢等編定悉準蔡志前輩苦心未敢遽湮至甲申乙酉吳江張太史尚瑗改遷興令以鴻才鉅筆新譌志林自謂儆寧化李世熊體宗伯王思軾其座主也稱為一家言焉所有山川人物古事爬羅揅剔可謂備矣道里水道考亦極變化錯綜第聯絡貫串微有誤處今悉加訂正於志地中別為圖考俾閱者瞭如指掌

一志經前人所論定無可改作者仍之至稍有更制變通之處務求確實乃加小引如考置縣之始張太史指爲三國之平固前志既鮮記載官師亦多未詳第於沿革中備述其統轄大畧而置縣必以宋太平興國七年爲始孔子刪書斷自唐虞茲竊取其義云爾

一興爲三程過化之區古有安湖書院始建白衣錦鄉明改移於城內址經久廢惟前令徐大坤議選學宮於其舊址鼎建澗江書院今特爲表章祀周子三程子於中以著道學源流敬摹四箴勒字於

興國縣志

凡例

二

石俾肅瞻仰籌畫膏腴條晰學規使昔日設教於安湖者今可復振於澗江書院云

一形勝見山川之統轄風俗驗民情之異同物產徵食貨之生息他如祥異見天人之感應兵寇覘治道之隆替亦志中切要事因詳載之若無關於興邑者不敢誤書

一舊志載名宦不過二十人鄉賢不過十一人名宦中志林削去留正以宋史未載考舊志則云宋淳熙中由進士蒞興或公筮仕初年史未及書今仍遵舊志載入鄉賢中有王質一云興國州人一云

興國縣人蔡九霞作廣輿已兩存之而興之王質前明郭青螺作四賢傳已極力表章今不必置辨不妨兩存勿如張志獨為富川樹幟可也亦仍舊志載入

一義行前明奉詔應例者各有捐助今或有捐田濟渡捐貲賑飢者必有實據始得列入如未應例及無實據未敢濫入至於節孝舊志所載及今已經奉頒旌表自應亟登至於尋常守節現奉部文核其年例相符給匾加獎附疏彙題建碑載志亦必考核詳實始得附錄

一凡採諸史書通志於各條之下俱用旁註前志序文雖多一書止存一序弁首餘有典贍可傳即收錄藝文集中至藝文一彙本取足徵如集序止一人之文譜序止一家之言以及讌會贈答篇什雖佳概不登載惟有關於土地人民政事足以勵風教標名勝者方得錄入以備稽考

盧志舊序

翰林院侍讀學士經筵講官安成鄒守益

興國尹盧子宁以公事至安成相與切磋學道愛人之義曰是義也古之人行之矣上愛其下故明德之義若保赤子下愛其上故樂只之化民父母之自天子公卿以至於藩臬守令壹是皆以父母斯民爲王道盧子瞿然傾蓋若舊也踰年盧子新脩其邑之志遣邏生誼鍾生宣性徵言於首簡發而讀之則識沿革述利瘼提綱掇目蓋八萬餘言首地理次創設次食貨次典禮次學校次軍政次官師次選舉次人物次列女次藝文次外紀次寺觀凡十有三卷泰和曾友于乾所纂輯而盧子

興國縣志

卷首

盧序一

一

躬訂讐之稽舊訂愆哀然可徵矣時方聚講東山之文塔顧語諸生曰茲其學道之徵乎父母之愛子而經營家政無所不用其極也考其區畫起其廢陋節其出納慎其軌物時其教廸簡其俊又砥其行誼消其奸宄備其典章猶以爲未也曷分櫛編而登諸籍俾有所憑稽以世其業邑之有志也其家之有籍乎縱佚以玩歲則視籍之紛而莫之理違道以千譽則飾其籍而喪厥實拂百姓以從欲則惡籍之害已而并去之茲三蠹者皆坐無赤子之愛耳充真誠惻怛之愛而超然於三蠹其庶有古之義已乎興國在贛為巖邑然名宦之遺愛鄉

哲之典型舉班班可述至於開聖學之脈闡忠義之矩
自足以為來世法程大中以循良為令識元公於理掾
至遣明道伊川師事之而陽明先生以駿功奧學同俎
豆於安湖他邑莫與京焉文信國以艱危開督府空坑
之厄神實相之而鞏公信統制之石鄒公瀕衣錦之寨
立懦起衰猶足以衛宗社而讐氈裘後有作者稽古而
思齊焉則道遊程門世濟鯁直可以為李君行協義幕
府溫詔褒嘉可以為鍾紹安詆訐反坐積案立決可以
為莊正禮擇師選教險阨丕變可以為何了翁疏渠勸
農蜂屯殄蹤可以為章文瑞景龍密斷克清凶釁可以
興國縣志

卷首

盧序二

二

為鍾太傅容管靖寇勳名終始可以為謝征蠻獨餞東
萊築圃雲墀可以為李和卿則是志之輯纂訂讐將為
興國世守之良籍尚永其愛於後政

蔡志舊序

南贛分巡嶺北道梅國樓

夫學者載籍雖博猶考信於六藝詩書雖缺而虞夏商周之道具在也夫道在天地間一元磅礴萬籟吹噓文獻足徵禮樂明備其信今傳後者莫壽於金石而尤莫壽於史冊金石之質有銷而史冊之垂無朽也故古人以立言謂之不朽而立言志事即功德亦賴以不朽志者志也志於今而傳於後者也故乘志晉檣杙志楚春秋志魯非志莫志焉往代南史簡董狐筆邱明遷固炳烺一時灼映千古片藻登壇青衿振響九天落欬黃壤生輝爛汗竹之青壯風簷之色不待生存不隨死亡者

興國縣志

卷首

蔡序一

三

矣志在一時者知一時之事志在千古者知千古之事若燭照數計而龜卜也若上下古今於几席間也若舉海若山靈乾坤宇宙風景依稀恍飲沆瀣而神遊汗漫也粵考興國其名始宋太平興國年號故名興國其志漫漶無存或說焉而不精或語焉而不詳不無魯魚亥豕之訛不無風葉塵埃之誚遂致輿地賦役風俗人物諸類俱無所考溫陵蔡令與邑士人有感而思有思而志脩志以資考鏡修橋以濟往來脩學以培文脈夙夜匪懈三載竣業有志者事竟成焉昔伯喈曠世逸才而籍成漢史端明弘詞上第而通濟津梁元定洞澈淵源

而闡揚理學此往牒之懿軌而來禩之芳規也夫人世之事萬有不齊時有古今人有變幻世有升降俗有淳漓必囊括鴻裁攬撫烏篆提人物之權衡發造化之竅竅揚旂常之彪炳表巖岷之幽照挺松柏之堅貞瀉滄溟之淼浩描山嶽之崒峻攄閭閻之潛耀搜石室之珍藏採閭閻之畫嘯乾坤賴以不毀日月賴以必照使一見而指洪濛於目前運河山於掌上此萬世一大業而千秋一大權也况一身有盡而歷世無窮士君子不以有盡之身而易無窮之世升沉顯晦宦海之浮漚得喪死生人世之大夢石火隙光飈忽不待使前代無稗官

興國縣志

卷首

蔡序二

四

安傳後代乎後代無野史安知前代乎夫待伯夷而興者頑懦也待文王而興者凡民也無所待而興者豪傑也豪傑橫襟蒼宙俯仰今古天地蜉蝣風雲吞吐豈徒沾牛山之衣灑雍門之涕哉落月萬山孤猶疑留皓魄寄語世中人百年一過客故人逝則興感時往則興思莫志於前孰彰其美莫志於後孰盛其傳語曰高山仰止景行行止又曰監于成憲其永無愆後之視今亦猶今之視昔今之視後亦猶昔之視今其有所感也夫其有所思也夫

黃志舊序

知縣黃睢桂

邑之不可無志也猶國之不可無史也史以徵信從示
勸懲一字褒貶寓春秋謹嚴之義焉志之所載山川人
物吏治民風與夫天時之休咎人事之淑慝編年紀載
燦若列眉俾後之覽者展卷興思知所觀感而則效其
有裨於世道人心非細故也粵考興邑舊志輯於萬歷
四十八年邑令蔡君著有成書不期數十年來疊遭兵
火版籍盡付祝融而志亡矣桂於丁巳履任與邑之縉
紳士子購求遺書商略纂輯奈兵寇交訐食不下咽雖
欲延師考古博採鴻文而有所未遑也茲者恭逢我

興國縣志

卷首

黃序一

五

皇上功成治定偃武修文

命儒臣纂修會典徵取天下郡縣志桂不敏恪遵 功
令採集遺編聘請郡國名賢得王子鼎相劉子天貢以
及邑庠諸秀士適館授餐篝火聯牀相與取斷簡而叅
訂之舊者考之於古新者証之於今字字核實無毀無
譽期可法而可傳今試言其概焉興國古為潞江鎮宋
太平興國七年始改爲縣因山多土少又割贛縣廬陵
泰和之地以益之至今邊幅遼闊四水逆流已非環抱
拱嚮之義且處叢山疊嶂之中洞險寨高逼近閩粵易
於含垢而納汙即盛平之世伏莽不靖文文山避兵於

崕石王陽明平寇於三關其明驗也迨我

朝定鼎民安物阜萬國來賓洵稱熙皞之世矣而興邑
罹兵火寇警疊聞一壞於戊子之陷城再壞於甲寅之
踞寨兵戈相尋殆無虛日民生其間苦可知矣頻年以
來仰賴上憲嘉意撫綏廣示招徠而版籍空懸者尚多
草萊未闢者亦復不少流移浮於土著輒肆狂逞所以
糧多逋負俗尚澆漓即素封之家亦乏貲饒而養生送
死禮多簡略史遷曰倉廩實而知禮節衣食足而知榮
辱民苦如斯又何能責以禮義之不愆耶竊嘗徧觀天
下山川之險怪未有過於興地閭閻之空虛未有甚於
興國縣志

卷首

黃序二

六

興民者也未至其地不知其地之異也未治其民不知
其民之艱也予治之而不能拯之吾將以諮訪者望之
風憲撫摩者俟諸後人也

張志舊序

南豐湯永誠

志乘之作必以徵實爲貴文人好奇多附會失實若子胥之昭關曹公之赤壁昭明之讀書臺後世擬議眩惑耳目識者病之夫作史有三難志乘何獨不然太史損持張侯之修興國志也殆身任其難而克徵其實者歟興國前有蔡袁二志後有黃志其二志僅存者已多殘缺黃侯時逢兵燹摻哀之事日不暇給今又三十載矣此太史之所以黽勉而從事也片詞隻字皆出自手裁分爲五目曰志地志人志政志事志言凡城池山川疆域古蹟祠廟土產之類歸之志地官師選舉人物歸之

興國縣志

卷首

張序一

七

志人賦役鹽屯興利除害折獄祥刑暨乎軍制歸之志政軼事嘉言妖祥靈蠢歸之志事古今傳記書序登臨歌咏詩文之屬歸之志言而統顏曰澉水志林彷彿楊南峯之吳郡識畧與曹石倉之古今通釋而變化之不襲舊名也予行天下五十年每至其地必索志乘玩覽中洲之彰德志西秦之武功志江南之吳郡志與松江府志東粵之廣州志閩之寧化志膾炙人口其他視爲故套以飾文具所謂語焉不精擇焉不詳豈非畏難就易而不求其實之故哉太史析其藩籬洪纖畢舉一山也必核其首尾一川也必溯其源流人物之本末祀典

之廢興程途之遐邇莫不竭蹶求之其苦心獨得在於辨是非核真偽討故實旁搜博証舉三四百年荒蕪之踪訛譌之說一旦為之犁然燦然其古蹟湮沒而得出者十之三人物翰墨之闡晦而得彰者十之四手經創復或因感激鼓舞群襄其事以振興者亦十之一二至於事具人口名蹟在耳目間而等之若有若無太史年來為之傳其事紀其實被以題咏飾以斧藻者不啻十之六七矣風雨晦明之下仰而思俯而索蓋嘗寢食俱輟積數載之精神而始有此加以腕力遒勁如國如左句則鍊而字則矜良工心苦其傳於世也夫何疑太史

興國縣志

卷首

張序二

八

以戊辰名進士官庶常借才外用宜其不以一邑為念而乃關心民瘼七年之內賑荒恤刑養民造士彰彰實政在興國口碑而茲不具舉者亦以序志林則姑言志林而已是編也善俗宜民之術表微闡幽之功經經緯史揚風權雅之學胥於是乎在讀者知其書之謹嚴典核而孰知其成之之難也

興國縣志卷首 纂脩姓氏

纂定

署知縣錢唐孔興浙晴江甫

知縣建水郭蔚豹文甫

編輯

武林布衣孔衍倬雪颿甫

叅校

教諭南城王大任志伊甫

同纂

訓導清江謝天翼鵬飛甫

興國縣志

卷首

纂脩姓氏 一

邑副貢生鍾秀源受滋甫

分脩

邑生員鍾肖侃非曲甫

邑廩膳生員蕭楷孔林甫

邑生員呂光斗映明甫

邑廩膳生員鍾自持履謙甫

校字

典史山陰王鼎際飛甫

巡檢紹興楊希聖維賢甫

巡檢隴西趙良相佐臣甫

校書

邑生員鍾立相夢求甫

邑生員王敬售雪舒甫

邑監生謝高溥承蒼甫

贛邑生員劉玉華五峯甫

邑儒童鍾鳴和希介甫

興國縣志卷首 監脩姓氏

監

修貢生胡若海 度汪

貢生鍾昌試 品士

貢生李鴻墓 大業

生員歐陽暄 日宣

監生鍾國棟 勤周

監生謝應銑 振華

監生呂之驊 越黃

生員江鰲 叔颺

舉人曾霖 沛然

興國縣志

卷首 監修姓氏

一

生員曾之魯 蔚霞

生員廖世梯 尊庭

監生鍾大文 兼武

監生楊述租 泮採

監生鄧安邦 繞士

監生謝堯珠 國珍

生員劉光祖 會波

監生劉夢麟 雅姿

廩生鍾秀桂 人傑

貢生康國泰 世久

興國縣志

卷首

監修姓氏

二

監生鍾蘧 月山

生員鍾大器 非作

監生蕭本達 銓衡

生員劉先發 紹漢

監生鍾世楫 麗川

監生鍾聲揚 懷握

監生鄭世賢

舉人王錫穀 韶伯

貢生鍾尚弼 肖巖

生員王令名 三錫

生員胡克恭 遜膚

貢生李健光 體信

監生鍾萬珂 晉佩

生員郭定謨 右瞻

監生鍾思洵 眉峯

監生余定伯 西長

生員歐陽齡 希南

監生李獻猷 成展

監生鄭志賢

監生賴鵬飛

監生丁廷擇

興國縣志目錄

卷首

新序

舊序

凡例

目錄

志地

卷之一

分野

沿革

形勝

氣候

風俗

疆界

卷之二

繪圖

城池縣治圖考

城內圖考

四隅圖考

興國縣志

目錄

一

卷之三

六鄉圖考

里甲

邨庄

卷之四

學宮

書院

卷之五

山水

橋渡

陂堰

卷之六

壇廟

名墓

卷之七

舖舍

隘所

育嬰堂

養濟院

義塚 物産

志人

卷之八

官師

卷之九

營汛

卷之十

寓賢 名臣 文學 武功

卷之十一

忠節 孝子 行義 薦辟 科目

興國縣志 目錄

二

貢生

卷之十二

仕籍 贈蔭 戚屬 内侍 散職

卷之十三

賓飲 隱逸 義民 僊釋 方伎

卷之十四

列女

志政

卷之十五

田糧 户役 倉穀 □ 鹽課 屯田

卷之十六

軍制

保甲

禁約

申文

志事

卷之十七

典禮

蠲賑

古蹟

卷之十八

祥異

兵寇

紀聞

志言

卷之十九

書目

興國縣志

目錄

三

卷之二十

制誥

卷之二十一

宋元明文

卷之二十二

國朝文

卷之二十三

唐宋元明詩

卷之二十四

國朝詩

卷之二十五

國朝詩

卷之二十六

國朝詩賦跋

興國縣志

目錄

四